

擇

石

齋

持

集

蘅石齋詩集卷第三十

秀水錢載坤

戊子

上祈穀於

祈年殿陪祀恭紀

春寒猶未作春陰

法駕於郊格孔歆擊土鯨鼈元日禮豚蹄盃酒萬方心洗兵

雨待滇池告買夜燈看鳳闕臨伏地蠲臣虔九叩勿生螾

螾是微忱

上躬謁

泰陵侍直恭紀

一氣肇於東維西更鬱蔥靈山蟠上谷厚地闕

元宮寒食沿常俗明衣致潔衷我家勤

聖子

皇幄展和風夙夜

音容切

高深化澤充十三年治大千百世心同

御製恭聯

告成感賦長句

聖德神功碑

聖子千百世愛

吉象巖環澗神光劍與弓益松新擁翠輪月皎臨

空止

輦悲垂涕趨

庭跪鞠

躬金卮進芳奠

玉宸降清穹林靜長號振淵微

孺慕通夢哲繼

先志邇又奏膚功

舜德瞻惟孝

軒圖紀永隆連徵幽藪及普照

小臣蒙

盛軌巍巍上遺民皞皞中

仙原溼春露

再拜契昭融

清明日半壁店

行宮曉直

玉馬騰珠勒金扉闌紫煙環村山半壁夾道柳三眠寒食常  
宜雨春人總愛天 龍旌翹氣色歲又

上

陵旋

上御經筵於 文華殿侍直恭紀

紫氣高瞻紫禁齊 金輿深駐藹金猊

聖心至德羣經貫春殿常年舊典稽聯佩謝 恩趨下上義  
冠聽講列東西教忠教孝皆從此拜手吾

皇萬福

謝  
虛學使文強還自湖南見貽方竹製爲杖賦詩以

武岡七十二峯閒福地重重雜遠巒  
亞澄州得方竹體儕  
邛杖少青斑分將入手降君惠獨立扶身壯我顏  
幸不規圓  
誇九節便須挂到幾雲山

靜明園曉直

擁佛山頭塔歸湖苑裏泉涼多文砌坐靜極閣門官兩度永  
今月三霄戀晚年  
芟荷風送馬亦自彈吟鞭

上御勤政殿聽政侍直恭紀

躬禱

龍潭雨來朝應響靈村多漑田自曉又濯枝青

意愜

顏爲霽年豐物使寧近依深殿裏荷氣入芳馨

端範堂齋宿

坐深未遣闔重門炯炯心還勉自敦  
百日常疎端尹職十年殊切

講筵恩砌蟲語少秋風淺庭樹陰多  
暑雨繁正愛單衾無夢寢不勞纖月照黃昏

觀吳興山水清遠圖

松雪翁圖又作記絹素妙比僧繇傳  
崔甥家杭號湖隱翁歿復見因摹焉  
其嗣往成寶摹本趙爽寫記追其先翁之真本  
渺何許得此髣髴神恰然學會張君藏  
卷一無款山水著色鮮一日持來一卷  
似其宗兄者號去偏吳興清遠崔仿趙始  
笑趙本藏多年遂歸去偏裝使合毫髮不  
爽今皆全幅中一

帶皆短山山麓盡水山頭天水如天空麓有際一線草樹青  
相緣城南玉湖自天目百頃以外通千川西南東北遶湖展  
十五六朵浮疎蓮昔遊山北復山南草上飛坐春城穿草上飛  
船之小今看幾几湧嵐氣濃淡勝逐低昂船江南白蘋遠欲采  
好景遣到黃塵前可能翁記墨蹟在補入豈必忘蹄筌

題桐鄉蔡明府可遠遺像

學有文勤倡公惟季弟賢吾禾官最久所治俗猶傳拜像落  
雙淚歸喪經卅年沉思甲寅暮寒月共燈前

觀曹雲西西隱圖

顧仲瑛家住處元至正歲畱題疎疎松樹坡石澹澹墨山澗  
谿名理笑言主客小牕風月東西江南眼底相見何必從之  
借棲

陸包山桃花塢圖

八門春想如畫一塢桃看正花屋裏山來城外西鄰水接東  
家綺羅匝匝芳樹絃管裴裒暮霞試問當年伴侶爲君細啜  
甌茶

八月十五夜

何夕如今夕三秋又一秋天非無皓月人自有煩憂院宇涼  
聲靜山河瀨氣流儒生不經濟太息雪盈頭

題管夫人寄子昂君墨竹

自題云夫君去日竹初栽竹已成  
林君未來玉貌一衰難再好不如

花浩又花開管氏仲  
姬寫寄子昂君覽

澹葉三竿濃兩梢臨窻風雨已瀟瀟自君之出獨相對命駕  
而歸誰謂遙人好嬋娟無歲歲花開旖旎有朝朝寄言妙得  
溫柔解韻戛琅玕神理超



四烈婦圖歌

楚昭夫人齊侯女昭王出遊畱漸臺江水大至王遣迎風約  
持符符不來夫人不行使者返取符未還臺已頽夫人名貞  
名不媿沈水而死何烈哉漢右將軍馮奉世女選入宮爲婕  
妤上幸虎圈閱獸後宮皆從駐金輿熊逸攀檻且上殿昭  
儀驚走無趙趙婕妤直當逸熊立左右殺熊上歛獻得人而  
止猛獸性婕妤何乃身當歟虢州司戶王凝卒其家素貧一  
子幼妻李攜子負骸歸東過開封旅舍就主人不納天已暮  
牽臂出之曳其袖李氏仰天乃大慟婦人節不辱邂逅勿以  
一手汙吾身引斧自斷輒莫救嗚呼婦人烈若斯我丈夫者  
何以副至元七年劉平妻濱州胡氏偕去鄉小車載妻男七  
歲平也從軍戍襄陽胡前輓車平後推是夜夜宿沙河旁虎

來嚙平負之去胡急徒手從虎行走及虎後掣虎足虎不得走風旋岡呼男拔刀授母刀得刀刺虎虎出腸虎始脫平扶挈西季陽堡南血淋裳四烈婦圖沈家寶誰其題者姜立綱張弼吳寬引復跋能使觀者神彷彿嗚呼天壤賢婦女豈乏如死鬚眉者

德清縣元開元宮所嘗藏元門十子圖歌

一坐像連十立像師坐弟立夸吾儒磐石脫屣老者坐混元皇帝龍眉鬚西遊出關關尹喜喜傳其書乃著書葵邱辛鉞亦師事計籌山尙聞西吳庚桑楚者亦其役畏壘大穰三年居死灰槁木能也不庚桑弟進南榮越抹民之闕抹世戰華山冠高譚老乎重趺而見士成綺仁義攫心告崔瞿周卿士又有柏矩竝道其道爲其徒禦風而行來鄭圃初事壺邱後

卒符寓言十九要歸本蝴蝶之周尤遽遽趙榮祿畫既鉅刻  
華君唐卿重手摹文逸真人寄眷更玉塵山嘗藏此圖昔遊  
德清越二紀真館花竹迴思紆豈知流轉值京國兼得楷法  
供幽娛徵君吳彥暉各書小傳清溪惆恍燈火外迢遞作歌報二徐  
陶尊殺函

觀錢舜舉桃花源圖用題者錢思復韻

萬樹桃花水一川東風吹著捕魚船吾家畫本吾家句箇裏  
山光箇裏仙先世秦時樂雞犬諸公元季迫戈鋌鵬鵬蘭艾  
何區別只要怡然返自然舜舉自題句云寡合人多意無求道自尊鵬鵬俱  
有志蘭艾不同根蓋吳興八俊趙王孫被薦入朝  
諸公皆相附取官歸隱  
舉謝歸不合以終其身

唐子畏明皇教笛圖

所惜太宗貞觀難忘初政開元殿頭玉笛教取吹得春風幾

番

觀王右丞精能圖

遠山近山面正當樹衣山骨層層蒼巔危巖巖密陵壑坂疎密  
柔硬曲直長夏盡秋初葉濃點有風無雨枝微颺亂沙遠水  
落雲半幾道數疊穿林陽卷橫不高已千里絹昏且破猶古  
香據所論者觀所到天性自出人難量或云荆關此遺跡我  
亦不辨其非王或云精能乃品題山豈自在無何鄉人閑流  
落得展玩太尉領俸何蕭涼詩中陶潛琴賀若未識他軸誰  
相方

董北苑瀟湘圖

山容遠以秋江色靜如曉浸岸不盡水盈盈已森森洲蘆筆  
筆風風影斷沙悄翹首橫欲高鬱蒼山林表林林葉無枝蕭

蕭根及杪村分屋其陰漁聚江爲浴天真實爛漫興寄在深  
宵雲英翔鳥值帝子愁予眇采蘭白露晞弭節翠煙繞髣髴  
昔遊經徘徊此情渺

趙文敏公寄右之兄札墨蹟

宣云奉別已復三年中云不肖  
一出之後每南望結首不覺涕

源之稿集今秋果第既歸子然一身僅  
有一小斷自隨未云十二月廿九日

羅綺難勝儼惠臨疎行矮本尙傳今繇來玉馬朝周客未絕  
銅盤別漢心燕市夢孤將盡夜弁山春杳送迴音江南台遣  
人才訪不獨王孫有故林

王叔明停琴聽阮圖

崖點碧苔秋思含乍推乍卻罷深譚橫來膝上坐相對寫出  
松風聲自耽疎密高參蒼樹幾澹濃靜立遠峯三不知何處  
此佳境芒屨催人一策堪

封禪頌碎金帖歌

紹興六年季春日四明山樵石穴開商彝漢鼎並古劍玉石  
硯各出一枚奇光更發石匣一褚中令書如瓊瓌迷茫封禪  
文一卷寶此豈寶作賦才山樵得之送太守太守上之入內  
府零星大半不可讀帝命侍臣聯絡取門笥接脈初無痕學  
漢繼周動成矩句皆四字字二百題曰碎金金悉數右軍書  
購貞觀年一字輒換一金錢嘉名其義蓋有昉其文則壓興  
嗣千保和殿勅安國集胡文定哀次見恭紀中清容齋貯嘉禾傳嗟我郡  
人亦何幸鳳城猶值黃花前

孟冬朔

上親享

太廟陪祀恭紀

昨直中和陞雍容

視祝虔冬蒸馨早達秋獮蹕初旋

五世

躬三獻千官頌萬年卽看紅旭上

頒朔午門前

上御乾清門聽政侍直恭紀

圓月寒收影初陽迥麗暉用中先允執成務實惟幾珥筆行  
登冊爐香與襲衣十年親紫闥

聖政感心微

己丑

元日

上御太和殿受朝賀侍直恭紀

先肅 中和禮常昭上下倫惟心稱

萬歲以德踐元辰白獸樽超古屠蘇酒徧民藐藐  
皇建極三十四年春

上祈穀於

祈年殿侍直恭紀

設燭融春氣趨

壇耀玉光三霄蒙夜雪九土卜秋穰 大祀彌

仁孝羣黎徧樂康朝衣愛霑溼已覺遠林芳

修

先師廟成

上親詣釋奠侍直恭紀九章

堯舜文武治法惟心



皇集大成條理玉金先

聖則古後

聖則今

君道聿隆

師道是欽

己丑二月四日上丁

皇齋于宮以德薦馨  
龍旂曉臨天迴春星煥其雲構安

我

師靈

古柏陰森神燈朗耀成賢之街歸

先師廟闢大成門啓  
大成殿儼乎闕里如聞如見

太牢具哉有鼎尊有卣罍有壺簠簋有觚爵洗維

師周人陳以周器陳以周器維我

皇精意

維

師至聖萬世之師維

皇至聖先臣民以師夙夜之心維

師鑒茲天地萬物

皇躬敬持

侑以六佾歌以

三獻申以

六拜欽

至尊北面維

臨雍兮一展茲

釋奠兮五行畱畱之禮積歲之誠

皇行

師言自天之下如彼阜蕃畱畱之禮  
師拜

皇嘉維乾之德實用光華

神之答兮左右洋洋暨兩廡賢儒臣肅肅鏘鏘  
天之和兮斯文大昌幽贊我

皇至治無疆

文德之格西域旣收則今大順之徵

武功其丕休西東南北咸以德服

孔子之風

皇猷則同

扈

蹕宿大新庄

村外山分勢 宮前水轉隈  
青旂藉田後 紫陌屬車陪  
酥點輕還歇 弦光澹欲恢  
心清闔孤帳 早起不煩催

村杏

村杏如寒女 青溪立曉風  
不知城市裏 半損綺羅叢  
上千像寺

沈鉢僧圖石穿松磴 俯欄綠垣梨杏好  
歲歲解迎鑾

過天成寺上萬松寺復度西甘澗東甘澗踰嶺入  
古中盤回憩少林寺外

田疇山谷馬曾通二十一年成老翁松夾杏花盤下上日開

雨氣濶西東塵心世界知無盡絲髮身名笑已空舉首石崖  
天藻遍紀遊彌復句難工

上親

常雩于

園丘陪祀恭紀

歲爲祈膏雨

皇來祭泰壇自南風旣阜建巳月猶寒水氣通清朗雲光潤  
翠巒九天韶奏協萬萬穀成歡

喜徐太守良至

夔州久說賦歸田  
盤下重逢突快然  
滿市楊花春後雨  
一簾蕭寺午方煙  
賤貧在昔惟貞節  
時以所著貧賤詩卷呈  
老大于今益信  
天約我茸城他日訪已將梅竹到尊前

范給諫棫士輓詞五首

乘風亦何去戒藥定先瘳庚子已庚子九州還九州塲原隨  
佛選夢本作仙遊頗奈顛毛白俄教涕泗流

侍臣歷諫臣報國豈謀身邈矣論千古居然在一貧小齋名  
用拙佳節實思親

君積歲卜先人吉與不得自甘極  
貼每逢佳節倍思親句于臥內

始媿丹陽麥勞勞

有故人

合讓尊鱸翰堪誇子弟蘭周旋孤客早整頓舊門難屋許三  
間破書憑萬卷觀多君不再娶參駮計猶安

十八年京洛歸與百里心江鄉生未覩墓草近相尋

君及余登  
第始相識

夾巷巷南北來春春淺深停樽緣老伴悲緒復何任

纔與三旬隔頻將一念通茫茫花落後寂寂月明中矩步臨  
予邸瓌辭聲爾躬虎頭圖畫得能免影成空

圓明園曉直

珠斗光低苑雕欄影靜渠過橋風更切依柳步方徐  
奏進門開早傳宣日出餘拜恩還飽飯豈不素餐如

題王太守祖庚遺像

昔在徵輅歲風神豈若斯良由材侷儻遂以老驅馳公子還  
裴卷州民已立碑秣陵春病夜澹月墮江涯

上視祭

方澤

祝版于

中和殿侍直恭紀

日至功惟報明當大祭歆祝文樽不越史職筆猶簪東海丹  
霞起西山璧月臨

方丘如

上帝早達

聖人心

題苦瓜上人餘杭看山圖

餘杭城外南湖外九鎖山雲疊疊蒸何意也爲青眼客此因  
須問苦瓜僧虎蹄踏月林聲靜簪葉含風澗影澄還向洞霄  
宮處說宋家得失內祠曾

清漪園曉直

宮門啓事候諸臣列坐修廊藉輦茵銀漢星明待遙夜碧梧  
葉落驗靈辰

明日七夕  
今日立秋

湖光山滌非誇浙菰米蓮房總近

宸講武木蘭行出口雲峯千里快秋巡

題王雅宜券後

長券短券禮昉諸左券右券法令俱官券私券勢難已折券



焚券僅有無雅宜山人王履吉嘗自起債于州閭白銀五十  
息錢是文壽承乃居間歟嘉靖七年月維夏想當櫻筍家家  
廚獨奈山人竟貧甚交關入市出石湖不能與息終與息十  
二月必償君餘梅花開時雪花落定已稍入湖田租顧元方  
者買舊蹟獲此卷愛山人書裝界乞題一還再歸文休後連  
凡夫秋堂蕭然謝作答似聽此券來中吳遂令街西褚學士  
心持以索詩如索逋我貧雖不漫立券地上事亦何從圖且  
償詩債欠酒債今夜暫借街西酤

夜起

夜起東南覩白芒占星垂象仰蒼蒼定符  
聖意安滇徼早振天聲克緬疆高樹明燈秋院靜疎蛩曉  
露袂衣涼裊裊出入成無寐并與三農祝歲穰

題趙文敏公五花圖

坡沙起伏川流淺草豐樹涼秋漫行一立樹陰一臥坡一匹  
齧草行逶迤兩匹飲川一仰吻各無羈勒無叱呵清時散牧  
非嬉戲蒙君之惠急君事但識成功萬里心能從敵愾三軍  
帥五花五花不以毛趙公相爾八尺高

題徐上舍堅夏山煙靄卷

風雨圖聞勝夏山君今規此適相關崇文本更天真得建業  
僧如舊觀還艇子吳江歸獨喚梅花鄧尉去同攀先廬澈上  
饒泉石生面須憑發好顏

程舍人晉芳請假南還有吳門小築之圖題以送之

名試蒙官近七年未成進士極蕭然移家欲別淮陰月買舍

將棲笠澤煙夢亦有鄉誰謂遠歸非無路或之先催他程紀  
東西住心齋與君已約結鄰俟我春遊木瀆船

馮少司農英廉預日招過其獨往園作重九至日  
爲南劉相國邀登大光明殿之天元閣遂不果赴  
明日送句以謝

呼我登高醉爾家隔城早起便將車卻經邃館聞仙珮畱倚  
層欄看暮霞天壤有情俱白髮笑言無分各黃花一年一度  
猶難定那不加餐努力加

乞得朱學士

筠所購馬文璧山水小幅賦謝

疎林遠岫碧川澄愛是扶風墨妙能弟子行原隨老鐵圖書  
印尙辨休承溪山久別徒觀畫嗜好相通每藉朋他日篋攜  
江國返累君長憶報瓊會

題周學士景柱湖舫倡和圖卽送其乞休歸嚴州

二首

憶在蒲州守曾開五姓湖  
造舟凌暑雨觴客狎風鳧  
宛轉流光駛參差勝引孤  
歸田今已遂重道寫爲圖

可奈中條影沈沈浸遠嵐  
故人屬錢七遺藁諷胡三  
此去嚴陵釣方春仲若柑  
君恩應不忘夢卽到燕南

徽君推威  
作序并歌

蘇石齋詩集卷三十

華石齋詩集卷第三十一

秀水錢載坤一

庚寅

法源寺看海棠於旁院破瓷缸下發得遼大安十  
年燕京大憫忠寺觀音菩薩地宮舍利石函記刻  
石一方紀太僕復亨有詩家學士大昕和之輒亦  
用韻

海棠歲歲花喚我幾遊寺佛前我自行花亦不煩記西園求  
鞠本東寮作茶事石庭塵不浣苔砌坐無次念隋舍利函木  
塢所移置南叙采師倫終不屬茲地唯遼舍利函如寶出其  
肆雖聞善製碑未見義中字牆陰指沙彌甕缶壓荒翠展力  
覆可翻循文完且備諸公輒賞之非爲詫神異

同淨琰然實爲神異石函記中語也

舊蹟日無增藝苑藉鼓吹病起值今辰獲此若開智已倩太

僕鈔先歸學士笥

學士蒐集金石文字多出於歐趙外者

風寒盍少畱芥壁遣題識

婆娑著處花樂豈再思議

諸君遊潭柘有姚少師菴之作紀太僕邀余和之

岫雲寺後湖東邊憶過松扉闢亂泉也算宰官身所住終愁

釋子語無傳山心豈與藏春別

袁洪自道衍曰劉秉忠流也秉忠嘗隱武安山谷間為浮屠其師海雲引之事元世

祖丁濟邸後

望影猶將病虎懸若向長安街北望一雙壞塔矗

晴煙道衍至北平於慶壽寺後常居之仁宗元年伯享廟庭後晴煙散去而還位於寺寺久廢惟海雲及其徒可菴塔尚存

### 題陳秋曹朗閉門覓句圖

竹苦蕉甘柘水灣笑君吟屋晝常關幾于必用毛錐子并不  
能逢飯顆山偶寫小身方獨坐頻開橫卷竟遲還集成若付  
任天社雙井應看伯仲閒

借明無名氏溪山晚照卷作小影而自題

儒冠儒服愧非儒可道今吾勝故吾草木陽春欣所遇溪山晚照問誰圖

主恩十九年還渥鄉夢三千里合無卻遣長謠付橫卷水窗如在未安湖

憶未安湖

山圍南北兩湖平堤接東西一字橫放艇白蘋花霧曉收簪綠柳樹風晴海鹽曲子楊宜慰至正遊人顧阿瑛寂歷祇餘村俗儉此時煙壠又催耕

題施儀部學謙九峯讀書圖

乍浦九峯青到海層墳秋鳥脆登盤十分占得讀書力一出憑爲朝士看肥馬豐車愁袞袞長松孤鶴夢珊珊此身要是



供時用可道閒忙定兩般

題陸編修費堦新購靈壁石硯

若巖若壑可硯山坡公臥之以當硯背錦韞字并印曾藏項墨林家有傳匣並如議迴思紗  
縠此其亞試數嵌空凡幾面高齋磊落琴尊闋伸紙濡翰時  
對山爐香欲斷雲生几槐影初籠畫揜關

馮少司農獨往園中有借山樓可眺城西諸山今  
春復于南淀構一小樓仍曰借山暇日過之爲賦  
長句

連畦芍藥乍來過豈識樓成出薜蘿高不三層讓貞白小真  
方丈學維摩城外住增城裏勝近山看較遠山多雨來似灑  
烏蓬背臥憶江南獨放歌君有小樓夜雨諸作

哭汪選部孟錫六首

兩弟隨君上學堂仲先叔後歎俱亡忍言四十年都幻苦覺  
纏綿病漸妨守默寧須博科第垂聲豈在擅文章萬端一錯  
由初願慚愧同之實未傷

往事君家若重思今朝我老獨應知憑棺已矣千行淚漬酒  
居然兩鬢絲楚國鷓鴣含懊惱鄭風芍藥數上聲將離鄙人  
客北從丁卯何以晨星遂不支

穀原讚又柘坡誇伯仲城東信作家插架圖書鄴侯軸滿庭

二語君家舊所朱竹垞先生所題楹帖  
里中同學者咸以此今且三十年矣

相憐數子皆無對此

風露趙昌化

二語君家舊所朱竹垞先生所題楹帖  
里中同學者咸以此今且三十年矣

樂吾生未有涯誰道天慳元賦命蓬飄一一墮塵沙

南金東箭漫相提所見如君孰與齊雨絕竟爲中道廢風流

彌向故山棲春曾契澗花陰坐病亦差池酒具攜傳語婦翁

兼舅氏木雞方且不成雞

余於去歲乞徐太守  
書木雞二字額適屆

颯颯楓青江上林片帆歸旆雨風深功名世未蒙其澤孝友  
天應鑒此心隱去孔賓君不苦嗟來桑扈我何任寢門可但  
餘他日今夜先輸爲獨吟

獨吟獨吟真可哀行覓年少區中才蕭瑟廊落有如此鳳皇  
麒麟安在哉繩牀不聞夜雨歇蘇院翻對秋英開無可告訴  
今以後只除舉杯休放杯

重過借山樓疊前韻

御園散直又來過非爲青林與綠蘿諸境已空耽結習此身  
雖老藉觀摩溼雲山外秋將薄明月樓頭夜漸多君北我南  
還未別百年對酒幾當歌

題雨林圖

曉裏炊煙乍合離鵲語罷陰四垂畫家潑墨慣如戲著展

看山偏此時孰謂密雲竟不雨豈惟遠樹都無枝江南吾憶  
水鄉靜梅子滿園嘗賦詩

敬承會詩

井序

乾隆己丑十一月上海曹君君錫年百歲大吏請旌之于  
是梧州太守李君方家居集里中高年亞曹君者十九人會  
于敬承之堂儲君雲洲八十九歲寇君逸齡八十八歲張君  
鳴臯天培各八十七歲趙君漢紳王君翼史各八十六歲王  
君協中八十五歲周君培先王君士昌鄭君文斌呂君錫宰  
各八十四歲金君公宰八十三歲陳君宏三喬君永錫吳君  
茂玉各八十二歲張君亦安倪君元卿各八十一歲徐君天  
敘祝君渭陽各八十歲而主人年未及六十乃自比唐東都  
之會秘書狄兼謨河南尹盧貞年未七十與會而不及列之

例作序來徵詩載仰惟今年恭遇

皇上六旬萬壽來年恭遇

皇太后八旬萬壽延禧集慶天地和厚之氣溥暢于斯時松江一小縣所聞者如是則夫四海之大耆壽之多可想見已歲在辛巳吾郡嘉善尊德堂九老之會嘗仿七老詩體紀之茲者盛事再逢仍用七言六韻庚寅六月廿七日百歲翁真鄉祭酒禮行太守特鋪筵八旬上竝邀爲客十九人還望若仙接歲

朝廷方大慶連村江海正豐年金杯醞暖初陽候玉照花疎小雪前堂敞李家歡列坐城臨申浦燦高躋武原分地華亭舊此事嘉禾合共傳

題陳明經耕讀圖

農士俱良德乃馨茅齋終要卜煙垌尙嫌高鳳曾流麥祗愛  
倪寬輒帶經

小庭

小庭纔半畝嘉卉不多株手賺十年久春供三月娛野蘿纏  
亦剪狂雨倒曾扶豈但看生意偏宜著老夫

觀家學士大昕所藏鳳墅殘帖卷第十三十四兩冊

南渡名相與執政真墨老蒼感盈目七十五日李忠定杜鵑  
寄巢鄭忠穆鳳墅逸客曾幼卿嘉熙淳祐前帖成五十五蹟  
此二卷宋本猶自杭州城綠槐高花拂簾旌闔開棐几爐篆  
紫狂草淋漓憶殘頁可勝羣玉萃瑤英

王文國給諫藏有羣玉堂帖  
第四卷懷素千字文亦宋刻

皇上六旬萬壽詩

謹序

乾隆三十五年龍集庚寅秋八月恭遇

皇上六旬萬壽聖節天地嘉暢民物和樂于以承

慈寧歡綏子孫福錫類推恩謙冲彌至臣仰瞻盛際力誦

聖德撰七言古詩一章拜手稽首以進臣無任懼悚無任

惶悚其詞曰

聖心格

天勲華臻

天心佑

聖福祿申行健自強 乾德安四德時措長以仁一中執之

萬化根壽民壽國

皇自敦

帝謂從斯彌億年斂更於庚引達寅任成萬物壽星躔政平

多輝之月圓六甲初周循如環

九重繁祉以介焉惟

皇事

天夙夜敬總我地維握天鏡奉若天道祈永命四方之極履  
中正綱之紀之太阿柄敬之敬之

列祖聖天下全盛

德祚盛如南山壽天保定 勤家天下爲一家

家法有常

德訓加傳導之義勉研摩自家而推周四遐

聽政隨所卽正衙體元息息吹琯葭日播堯敷與舜華九功  
敘兮九敘歌如天如地羣生嘉如萬佛讚優曇花我

皇孝德繩



崇徽我

皇孝德承

慈闈

春暉日永娛

天暉四時春在天香榭

勅天惟時亦惟幾吉者百福之所歸懸璧連貝拱太微禮曰  
國肥先家肥先知稼穡則知依

省方觀民澤宣暢翊

大安輿泣仙仗與物爲春答慕嚮大哉至孝近乎王至哉能

以天下養 紹衣載至於畱都 視邊講武歲三驅賢爲駟

兮道爲興岱宗 孔林少皞墟更秩崧高佇中區防河捍海

越與吳秣陵之山錢唐湖皆奉

慈顏時起居衢皆康衢皆福衢所過便蕃 賜田租教民務  
本吝費除吏察士選樂只且川巖映發 仙臺紆我

皇文洽天人文

聖文有萬統聖真說經評史誤則刊寶超博奧諸儒倫書聖  
畫禪衆妙門胥萬物源造化源 乙夜之勤修政勤規矩誠  
設繩墨陳

親行承祀必嚴禋精氣所感百靈賓保我本支庸展親壽愷  
令德世彌惇八旗舊俗其樸淳九州萬國其豐殷財成輔相  
左右民炎之如日威如神函之如海養如春惟臣哉鄰鄰哉  
臣思賢若渴庶政分謹小慎微政體純惟

皇心切文輒宣聖性聖情見 睿篇事事物物時時然豈惟  
文德光迪

前守文難兼創業難西北曰邊東南徼金川旣平武功劬  
維部回部輻輳効闢二萬里應呼台三碑巍立  
先師廟迺征南蠻靖南詔籲我解圍獲醜告無私覆載無私  
照先幾之籌

親總要惟

皇勞心三才理勞心不韋太平址禮樂政刑旣勤止萬化之  
原微表裏嚴恭寅畏一其揆是以

天申集繁祉卿雲紉縵啟玉宸來歲重光歲在辛

聖母萬壽躋八旬

慈蔭萬寓咸春溫元旦普賜田租恩算緝幾三千萬緡

聖壽

慈壽歲慶頻藏富答

天惠元元丙寅丙戌兩優蠲今年廣被尤滋繁元會 太和  
列慶筵

特詔入殿蓬萊班喜起舞進瑞雪紛

元日

太和殿  
賜宴臣等侍宴

作人開

科雅化先皆在郊輶如鳳麟時雨山川其出雲

畿南春多

水泉香

安福艫穩行中央恭奉

安輿日舒長玉燭維調

寶命昌三淀神護靈飈揚縹林芳

分馥洲芳析津士民江浙商賈人偕來祝公堂

御園槐綠薰風涼羣臣願上

萬年觴我

皇至德謙尊光卻而弗許

詔至再節其繁文物力愛惟諸臣心靖其逮答

天

祖貺誼斯在恭惟來歲迓

慈禧福祿萬年登期頤舞綵臚歡闐闐開

聖壽天齊祝方來且勿叩請虔今茲大哉我

皇孝治原溥天慶洽慶昌辰嘉辰泰辰

初度辰剛健輝光德日新八千春秋如大椿六甲紀在時憲書

詔始來年遞紀餘辛卯庚寅周復初遞增百一十年俱臣願聖壽萬年踰壽昌壽昌

寶祚蕃 皇子 皇孫 皇曾孫稱觴萬年朝野歡惟

皇至德中正觀萬年福祿熙鴻醇

秦學士大士又作柴門稻花圖屬題

昔者詩人許丁卯嘗以晚至韋隱居村逕遶山松葉底柴門

臨水稻花初君何獨賞柴門句一再圖之總成趣擢秀高低  
熟雨暘舒英早晚稠風露南畦葉綠轉東畦東溪水白入西  
溪紫蟹肥憐稻花蟹黃雞肥是稻花雞羅含庾信俱無宅盡  
出青山原咫尺君若能爲秦隱居我其丁卯橋邊客

施儀部屬題華山人並送其外舅吳雪舟所寫黃  
山歸老卷子

寫送江行赭綠圖華壘逸態近來無峯高七里瀧中緯城遠  
三家店處酙老矣雪舟爲社友歸歟丹竈在大都婦翁遺此  
藏佳婿使我秋窗得借娛

題萬孝廉光泰詩畫冊

生死交情忽廿年輪番遺冊重潛焉古今律絕彌清綺山水  
松蘭卻久鮮思我名流幾元壤奪人厚石又蒼天

原自正  
運部號菊花

昨喚扶筇出獨對秋暉雪滿顛

題魯治春滿江南卷

東吳小筆數岐雲風露枝枝合復分若見白陽并西室春遊  
連襖定呼君

九日馮少司農獨往園登高

空樓穿磴俯煙蘿意慙應勝昨歲過秋色煩君方掃徑朝來  
有子已登科順天是日放榜次君得傳家日下圖書舊退食花閒嘯詠多  
若署老夫吾亦可菊黃偏稱鬢雙勝

爲沈觀察清任畫蘭復屬題

多叢亦愛陳元素少夢真愁項子京焉得魏公三轉筆  
齊長三轉而妙如傳楚客九歌情德芬芳與零陵似山寂寥  
草生一檻秋齋權作供可無竹影夜牕橫

爲秋試被放南歸者題畫

農隱溪山似此多饒他圓笠又長簑此牛亦要施繩筆買得  
吳田奈老何

太尉之印歌

并序

銅印方三寸四字蒙古篆文左邊刻正書太尉之印右刻宣  
光元年十一月日中書禮部造得之烏梁海額爾遜特斯故  
鄂博閒定邊左副將軍超勇親王成袞札布以進

皇風旣同西域文元印不蝕呈將軍三臺豈忘營鑄式中興  
徒慨紀年云應昌之殂師其遁和林之立國有君太尉誰與  
劇倥傯上都日者方紛紜奇男子耶憑戰勲擁兵氣欲橫江  
雲大官惟備此磊落土繡依然屈曲紋

宿板橋同紀太僕



近看沙際樹不記舊來村  
釀雪天光薄銜山日氣昏  
瓦燈迎輦侶茅屋擁衾言  
兩鬢禁風力蕭蕭未覺喧

枕上得雪

孟冬旬未及一白瑞先占  
屋小寒侵被庭空曉逼簾  
吾人諸福繫來歲大田瞻  
況自王畿始仍聽霰霖兼

圓明園雪曉趨直二首

永夜披裘獨修衢出郭方  
行天唯馬力照地更燈光  
風急過村樹星明近苑牆  
冷官無啓事祇益敬恭將

坦入金門內清沿玉沼灣  
五更高北斗萬象靜西山  
藹藹梅英早依依鷺序閒

聖人欣有詠兆在降康還

題吳鴻臚玉繪古藤詩思卷

藤花手植枯復榮新城尙書之舊邸遂有鴻臚典宅居卻憶  
尙書坐花底尙書不見藤自花獨唱無酬春日斜過牆戲蝶  
翻成隊穿架游蜂已放衙明月黃昏看不足好手丹青便相  
屬畫人只畫袷衣寒畫花并畫雕欄曲紫纓絡挂香風初明  
年香風還醉余直爲鴻臚偏好古今人閒裏感尙書

五更趨

郊壇恭候

大駕

祝版陳將

視齋宮

御卽臨燈光寒萬點樹影澹千林上界昭融切羣靈祗肅深  
天門方鵠立亦自聲微忱

喜雪

祈雪雪方降先春春遍生仰惟

蒼昊穆以答

紫宸誠來歲蝗無種于郊麥有萌晨興卷簾坐不覺熟茶鎗

蘊石齋詩集卷第三十二

秀水 錢 載 坤

辛卯

王文成公驛丞署尾硯歌爲大宗伯襄先生作

墨妙亭詩莘老刻曾是西吳之石墨何年石斷隨分張閩海  
黔山負趨力漳南黃公得一片摩挲厥背琢爲硯蘇詩十七  
字僅存今落吾鄉惜未見豈知文成先得之驛丞遠謫龍塲  
時別傳一片十二字循文實卽溪藤詩碑材裂作硯材用怪  
絕早在龍岡垂我嘗讀公自書卷驛丞解種琅玕枝何陋軒  
前君子亭戊辰一記殊逶迤是時此硯定給侍匪直牘尾批  
文移嗚呼二百年餘尙完好今爲新建裘公寶嗚呼名蹟之  
石天下多我且作硯求諸他

上祈穀子

祈年殿侍直恭紀

列城班初定

升壇氣早通惟

親元日禮乃足萬民供斗運高千北風翔暖自東猶思前歲

雪郊樹遶花叢

題陶舫硯銘冊子二首

林家信拓本又余家何硯背銘多嶺海誇我亦篋藏鸛鵲眼

可憐點滴是青花

十硯軒蕪石半亡端州舊吏福州黃在虎山橋去梅花墅巧

琢難尋顧二娘

謝葉侍講觀國惠海南香

喜奉雲藍手自裁鵬鵠斑好儷瓊瑰何須遠致涪陽尉直是  
新從舶上來靜夜爐方憑獨試早春簾更爲遲開祇愁一往  
參梅韻難免經時罷酒杯

出右安門郊行二首

驢車直走又紆迴村柳纔知眼未開挈榼分箋人散盡故應  
忘了出城來  
晴開天宇動春芳脈脈西循海子牆簪筆十年叨侍從無才  
不敢擬長楊

蔣少司農賜紫招飲見菜花于几上南劉相國約  
誅之得二首

上巳人來揖翠堂中綠菜作花黃瓷罍水浸陳根活竹牖  
風搖疊萼香遲日野暄鋪頃頃薄陰畦潤繡行行藎心摘後

蒙茸甚最說吳鄉遍越鄉

桑葉覆連蠶豆繁豆花夾又麥稍翻飛來黃蝶晚無數園得  
青山明一村老矣關心譚種藝公乎下筆繪田園芳蕤豈獨  
蕪菁似作伴紅枝侑玉尊

桑先生輓詞四首

君子既多壽曰終胡獨悲遙循空位義已到失聲時薦几一  
廬若趨楹雙鬢絲直從親歿後今乃更無師

賜第遭

先帝登朝得幾年林居躬養母友教世瞻賢五岳筇真遍千  
秋篋必傳書來甫旬浹猶奉手題編

邃學光勞子高歌暢景翁是皆由早歲而益見純衷語可隨  
材別行難與俗同廿年爲院長一髮有宗風

丁未深秋謁朱園徹夜論迴思檐際月屢照水邊村拜墓身  
應健呼天眼未昏諸郎雖早世遺澤在諸孫

漫與

一桁湘簾鎮自垂春來非緩去非遲小庭也要栽花藥何事  
乾風日日吹

家少司寇先生倬直之暇合元四家法作山水卷  
以與弟孝廉維喬裝成屬題

公望派皆北苑子由師卽東坡禁廬雪落嘗寫行笈春逢遂  
歌渾厚華滋不盡檀梨橘柚如何孝廉船泊江渚貫月虹非  
有它

張舍人填爲瓊花說二篇倩薛麟寫瓊花綴玉藥  
於後來索詩



別修花史費工夫殺粉憑教沒骨圖后土祠中元不贗唐昌  
觀裏漫相誣祇愁赤玉爲瓊爾曾記秋崖屬句無閒卻經春  
好心手批紅判白又逢吾

靜明園曉直

久雨陰將薄連山綠轉濃官閒猶竭蹶馬老似從容玉沼穿  
牆駛煙條引舫重昆明悅宸矚遙岸稻茸茸

籬壞

外舍新籬隔疎莖雜蔓籠曉常雲綴露花漸翠加紅偏受鄰  
牆壓嗟成半院空假非遭甚雨何竟及芳叢

十月癸未甲申

上御紫光閣閱武舉騎射技勇以充讀卷官侍直恭紀二首  
霜晴寶閣開

御座迴臨臺向埒橫弓見銜竿奏鼓來石欄旗屢展沙岸鷁  
初迴文武均張弛先于重審才

接日煩

親試都歸甲乙中英雄務陳力戰鬪仗論功翠葆池之上頻  
輪苑以東林林盛葵勇盤馬更彎弓

甲申日試畢  
校十五善射

冬至陪祀三更赴

郊壇

未闢天門候交光雪月中一身寒是露萬籟靜于風息息春  
如轉高高敬欲通華星方翊衛

大駕在齋宮

十一月丙辰

上恭慶

聖母皇太后八旬萬壽加上

徽號詣

慈寧宮恭進

冊

寶行禮侍直恭紀

文母思齋福永膺精璆華玉上

鴻稱天產地毛養之至

子華子云臨萬品師萬民天之產地之毛無有不共無有不備

堯趨舜步吉相承

璇宮樂暢爐香煖寰宇春融旭景升

子孫臣庶真歡樂南極南山錫羨憑

辛酉

上行慶

壽禮成

御太和殿受賀頒

恩詔於天下侍直恭紀

躬奉天經純嘏常

特頒天旨樂鏘洋仰惟

皇帝大仁孝誕及神人胥悅康海外又傳扶杖聽  
殿頭親見與風翔露垂澤布有如此千萬歲壽歌善祥

恭慶

聖母崇慶慈宣康惠敦和裕壽純禧恭懿安祺

皇太后八旬萬壽詩九章

天祐我清景命萬年萬年之芘

慈徽茂宣

皇帝孝德孔純祇承

聖母萬壽八旬維

九如頌上百千萬齡維壽維康寧

初元至今三十六年

起居有注

皇謹問

安

慈寧宮中

春暉堂上愛日之心以天下養民臣咸知維

孝承

慈萬年多福永綏

慈德儉勤惟愛物惟愛人

孝德祇循今天下大治協于一仁歲奉

安輿時巡下國惟

孝德惟

慈德今歲祀岱東方生生于以歌白華于以歌由庚

龍集辛未龍集辛巳歲以福紀今歲

八旬繁禧翕臻悉新于辛叢生于卯福如叢生日新其元兆  
臣拜稽首曰嗣今重光嗣今重光

萬壽无疆

土爾扈特懋我

德威弗加之征順我自歸孝治有覺四國順得道多助天下  
順

上帝嘉答用昭大信丕介

慈壽无疆日進

臣歌有那復陳舊歌辛未慶

慈壽蜀疆旣我撫辛巳慶

慈壽極西皆我土歲今辛卯

鴻慶福加遠人之來萬里非遐天地一家

紫衢列錦氣佳葱葱

皇迎

安輿苑西回

宮化日之舒卿雲之結百官之誠萬民之悅天地中間爲

慈壽節

崇上

徽音

冊

寶玉琢

聖子綵衣舞先韶樂

壽安大宴五代福同黃鍾春生太和之禎 寶字敬闡

徽音義宣頌辭

親製十六章傳

黃詔恩周自朝達野神人樂胥維以受嘏

先是免一歲租復蠲宿逋復舉 恩科

錫福其實多欽恤之仁好生德至爰禮耆年養庠之義洪纖

心周惟以廣

慈恩惟以奉

慈歡寶祚其蕃

周明府賈榮屬寫墨花

水仙祠下冷湖雲處土花梢澹夕曛萬遍尋思難得夢一般



畫出卻因君亂山江北官初罷深巷城南夜又分笑我已添  
雙鬢雪未能無語對爐熏

爲沈按察廷芳七十

接歲朝京際泰辰纔過六十九回春

生日在八月

同徵齒序方三紀

前輩心儀更幾人上苑雪收行爛漫元宵燈放不逡巡祇應  
細酌東風酒畫法評量到仲仁

行笈攜有元陳仲仁山水卷

伊副都統

福增格

惠海物畫梅以謝

夙聞將軍才絕倫一見遂若平生親井口銘貽是唐代

舊于旅順搜得

石刻云勅持節宣勞殊尚使鴻臚卿禮忻井兩口永永記驗開元二年五月十八日三行廿九字拓本見貽

扇頭蹟贈皆明人今來

兼蒙海味俊歲晏直使山廚春何以報之尺幅紙梅花教傍

鬢絲新

題陳仲仁山水卷

陳君主簿于陽城人物花鳥皆至精吳興郡亦作山長文敏  
公嘗畏後生苔點麓寒厚所厚松陰雲活清其清若教多寫  
可多得何減四家元季名

劉文成云仲仁畫不苟作終  
歲不能脫一稿故傳世絕少

壬辰

送沈郡丞清任赴官四川

洪恩錄用必騰騫壯齒迴翔稍下遷此是王尊何眷戀歌如  
叔度有周旋明燈白髮三杯酒芳草青山二月天手板不勞  
趨幕府軍聲卽定小金川

題羅山人勝畫鬼二首

畫鬼畫煙雲猶堪米數文曷不學阮瞻一空此紛紜  
六趣外無界七趣中有人卽非若馬趣願君思公麟

馮少司農招作花朝

雪點猶疎雨不繁  
丁寧告戒已開園  
縱輸吳俗遲三日也抵  
高麗當上元老去閒情  
急花事閒來老伴寡  
塵言自今節節隨春劇  
紅萼雖稀馨百樽

宿小店

土銼茅檐輦道旁  
疎林空塹半垂楊  
五年買飯便人意一  
度攜衾對燭光  
酒保性真都不俗  
田家風味本來長  
老爲侍從稀佳句特向西郊記壞牆

沈按察輓詞

罷酒匆匆近藥鐙  
看花漫漫出筇聲  
三春準擬爲三老一哭  
俄教盡一生

馮小司農招公及余二月十五日花朝會先之五日  
首云庶乎作三老公病不赴乃越三日而長逝

天女維摩元

是幻海山兜率復何情  
世間墨寶蒙私印  
難遣頻開親姓名

旬日前借觀余明人墨

讀十一冊閣印冊端

張少詹曾倣將歸桐城賦長歌致酒雙壘屬畫蘭  
竹卽題以答送

師門先達又同官官罷廬居歲幾闌

國慶蹉跎來甚暫春熙碌碌別尤難缺於治具翻相餉速爲  
成圖且奉觀早晚咨才應薦起龍眠山好好加餐

羅山人爲余作探梅圖題以謝之

百年難得幾探梅畫我入山梅已開繁萼向天皆半側好風  
吹面恰東來前村萬樹還千樹今夜三杯復兩杯賴有羅君  
共清興不教芒屨負蒼苔

三月六日雪

三月六日雪漫天五出花紅將凍桃萼綠未沒萱芽陌上遲  
香騎城南靜錦車老夫步欄立猶復望春奢

翁學使方綱歸自粵東法源寺海棠花開連日偕  
過有詩亦賦一首

碧雞坊今屬此閒黃木灣思灣復灣三月花紅招我坐八年  
髮白待君還石幢齋鑊且岑寂榆莢柳絲非等閒日日向伊  
尋句子何如高閣看春山

爲馮少司農家海棠寫影并題

近迴欄獨出高檐爲爾今朝盡卷簾春好已知春老又畫人  
何不畫花兼羅山人近爲寫借山樓圖蘇公舊韻三年欠蜀府新粧一夕添  
主客樽前加鬢雪略飄絲雨儘無嫌

飲呂家紫藤花下五首

并序

紀太僕秦按察邀余過給孤寺東呂家看紫藤花至則太僕  
小門生按察令子編修去年辛卯典河南試所取公車兩孝

廉呂氏之族爲兩公置酒花下于是遜余上座因詢河南庚寅兩呂孝廉之爲余小門生者則亦其族也頃之一呂生自外歸拜余花下時秦編修方分校禮闈明日太僕詩來輒爲補作

藤花歲及寺東看隔日相邀凭石欄卻見主人成不速春來元愛酒杯寬

適來境趁適來情花信番番戀鳳城賺得與君空白髮門生門下揖門生

木瀆將樓纔請假小園虺蔓想高榆夕陽似此寶纓絡政要來尋船百壺

秦家庭裏得新陰紀氏恩門望更深數上聲日何人爲錄事櫻桃宴後牡丹臨

明季尚書有忠節門才盛入 本朝誇諸孫今接花陰坐猶  
憶君家宋呂家

熏爐二首

巧鑄而今也用銅參差減了洛陽工最傳朝會班香案不易  
人家奉火籠棄我漸于春後冷關渠長是夜深紅篆烟乍起  
重簾下可愛無風似有風

對此何須雪釀寒端人春半雨闌珊分明不得梨花照寂歷  
真愁蕙草殘纔解朝醒渾欲醉每宜小寢若忘餐從他寶祿  
徘徊處慰手無言悵望難

周文忠公銘雷氏琴歌

底鐫行楷云雷氏斲之聖自開元馮氏

主於內手應乎絃故聲和可以仰馬意殺形之捕蟬豈特此哉大則歌南  
風小則治單父鄉不出於斯焉嘉祿元年四月辛丑平園老叟周必大  
池中鐫八分開元癸  
丑四字亦左右列

呂家藤陰見此琴翁家藥欄又值今黃塵乃有千年物白髮  
能無一曲吟雷張名公擅開寶列子樣存斷紋好初元樂府  
奏還京斷此真堪關至道得寶子歌聲復聲阮咸拍板箏篴  
箏大小忽雷鄭中丞此琴何在彈誰能瑤臺已到湖山翠高宗  
宮內鑿大池象西湖冷泉壘石作飛來峯  
益公進端午帖子云真是瑤臺第一重盾制銘方洪皓賜高宗出意作盾制  
琴銘以賜洪皓  
此琴曾閱東京來周家亭榭迎梅開銘之豈忘治安願叟也  
故餘雅頌才其年公年七十六平園之圖未盈幅我今不作  
雍門周我今且作榮啟期庭空月澹春露飛茶煎香熟明星  
移孤坐祇將橫膝上昭文多事著成虧

東書堂硯歌

背鐫正書東書堂書寶面額鐫古文篆云  
割紫雲之片石兮永堅水之元光蘭雪

燕王母弟國汴梁元宮詞好製百章教子頗煩劉長史開軒  
更起東書堂堂中紫雲裁一段修幾三寸廣逾半古帖臨池



貝葉翻新聲向月明珠貫繇來好學後人賢王孫地位況列  
仙片石摩挲成俯仰西亭還共小山傳

蘊石齋詩集卷第三十三

秀水 錢 載 坤

題圖塞里學士野圃

兩年嬾不郭西遊誰道開亭更起樓指點釣魚臺廢墅商量  
運酒舫新洲交蘆江上回風偃蘊筍吳鄉霽景抽我亦有田  
歸未晚林端殊愛友聲求

首 題熊編修爲霖秋圃分甘圖卽送其假歸新建二

千樹誰多種三秋此獨娛也看孫子及未覺右軍輪風俗頻  
思里園林早入圖瀛洲諸後進別緒不能無  
章貢江之岸歸來書幾船綠柯栽日小嘉賓摘霜園暇想君  
恩話遙憑手札傳酒尊京邸月曾是奉周旋

題翁學使方綱臨蘇書卷九首

井序

蘇文忠書蔡君謨夢中詩守居閣中舊題及和作周韶落籍  
三首虞奎章見於柯敬仲所爲賦詩四首後敬仲乃盡和卷  
中韻爲九首于是題者倪瓚馬治張雨皆如其數此蹟翁學  
使購之粵東攜歸京師載既乞臨付一本遂亦盡和以題之  
吾家篋擬君家寶新蹟粗將舊蹟明怕是夢中人說夢眼青  
萬里太多情

情隨花動憐花好春鎖看尖掐指尖不作錢塘江上守那知  
愁似夜潮添

門茶輪卻笑堪驚鸚鵡籠開不剪翎相別若忘同輩羨再生  
應念此恩經

湖上草青花白紅宋年春肯到今同杭人多慧慧何似憶殺

六橋楊柳風

遼家金家幾戰塵一卷猶見錢塘春  
撒與明珠百十二果然南嶽有真人

取觀任展長安軸攜去憑迴菴  
畫船環慶堂開重俯仰可憐真比月嬋娟

多事相關長帽翁倪張之筆盡春風  
人生百歲他無戀未免幅緜片楮中

五百年遙嶺海魂後先于浙漫尋論  
轉愁杭郡殘詩藁去惹儋州亂雨痕

臨本木雞齋乍入舊藏天籟閣曾誇  
君非賈島獨名佛我豈恆河長照沙

紀太僕復亭請假南歸將居吳郡翁學使方綱邀

同人分賦勝蹟以餞載得甫里

少卿宦而歸本異天隨子聞將中吳居其何遂比儼天隨籍  
長興既乃儼甫里君先亦南潯今茲更擇美則如甫里家頌  
禱蓋可以去城深入村望野曲周水圖書人左右杞菊屋後  
前置屋三十楹毋置通江田上塚石湖近探梅鄧尉先東西  
洞庭月七十二峯煙是閒君松扉寂莫潮流連魯望迎潮詞云寂莫流連分依稀舊  
明歲我歸訪泊船還泊船

漢建初銅尺歌

鐵云盧騰銅尺建初六年八月十一日造盧騰漢書志注音唐虞

城南亭子槐陰涼拓文乃展漢孝章亦知此尺在闕里

孔尚任得之江

都閣義行徒觀二七篆一行建武銅尺周尺同以校後代皆過長  
惜哉荀公此未見七品猶參微弱強世祖之孫好儒術四年  
虎觀下太常建初年去建武近中興以來民不忘隋書雖臚

十五等此尺早出非難量建武尺憑建初證周禮尺制應加  
詳其時鐵官屬郡縣縣官鑄器銅丹陽況于玉律度爲尺文  
學得自零陵羅林盧盧夷土俗別大陵有鐵扇熾揚處虎豈  
由俗間鑄何以至寶傳茲方荀公不如我生晚可正古尺神  
彷彿同觀更辨字體好今日之樂樂未央

題紀太僕二圖

心齋坐忘圖

心齋君自號時義取于復今以況漆園集虛亦云淑兼之圖  
坐忘大通若無方斯意本近禪乃遂作僧裝願君且娛老非  
黜更非墮掩關剝啄無獨得身靜坐林靜坐如山盡靜坐如  
宵坐花春寂寂坐月秋寥寥大雪起而行必爲村梅出曷不  
挈壺盧相將扶柳栗

石湖春釣圖

行春橋外今朝風鵝鵝踏浪西復東楞伽山前昨夜雨荻筍  
齊抽棟花吐黃塵袞袞催巨年誰能遣此櫪頭船惆悵非惟  
張翰鱸蹠蛇是亦祖生鞭

顏氏所藏魯公名印歌

唐印朱文觀者信銅花斑斑紅沫潤兩字左右方寸強顏家  
世守此名印二十四郡忠臣無公名纔得天子呼臬卿其兄  
真卿弟貶公出公名不誣其時天下人望同不以名稱稱魯  
公豈知此印到今好手舉公名精爽充我欲昌黎名印得可  
雙顏印分芒色公行死矣韓生歸君命之銜皆報國

觀鄭所南畫蘭

其題云二國之香一國之瑞  
懷彼懷王手楚有光

兩葉一花根不著似添一蕊猶含夢腕驅瓊詭可奈何先生

僅不離騷作先生自製祭鬼法每夜祭鬼響若答鄭元祐國之  
殤兮國之殤春夜風生秋瑟颯比于畫馬家淮陰謝翺唐珏  
有同心蘭兮蘭兮不形似王孫愁絕豈知音

題歸帆圖送羅聘歸揚州

冬心詩弟子踰歲京遊歸奈此芙蓉采先于鴻雁飛嗟君用  
意勤爲師續編集可憐蕪城客不羈人不及聖世拙無用  
枯腸出騷遺祇恐過樊榭終爲來者知歸歸方校刊慰君心  
所重錢塘江上山碧草沒孤冢冬心歿于揚州三竺庵之西九月歸葬于臨平黃鶴川依依師  
與友落落古至今君自挂君帆我自寫我心平山見大江藥  
畦近香界他日歸道經剡藤再乞畫

錢紀太僕供荷花邀吉京兆夢熊張學使模翁學  
使方綱家學士大斯共賞之翁學使有作次其韻



呈諸君

多憑郭外折香風直似江陂駐短篷  
渺渺歸人心更遠酣酣老子頰難紅  
幾時上客聯清珮明月西泠汎碧筒  
添與雙堤萬楊柳不勝盼睐此筵同

七夕曹少卿學閤家學士大昕集程選部晉芳齋  
餞紀太僕招翁學使方綱及載奉陪分韻得同字  
高館新涼霽碧空合昏花下未鳴蟲  
依然聚影當鈞月不奈離情逐曉風  
二十秋來人尙健三千里去信元通  
何因便踵雙星例此夜深杯每歲同

同程選部晉芳嚴侍讀長明翁學使方綱曹中允

仁虎吳侍讀省欽家學士大昕集城南分賦

壇樹擁且森郭轡抱何修茲焉實韋杜曠若臨滄洲金門盛

名彥仕學兩所優緝之芙蓉裳比于珊瑚鈎暉暉天碧晚迢迢雲素秋豈敢辱同心以我成佳遊我今在桑榆我本爲鷺鳩未免對清尊輒用銷煩憂

同程選部

晉芳曹中允

仁虎姚秋曹

孫家學士大

所集嚴侍讀散木菴

適先飲他所詎知境頗勝飲雖非終日喚亦幾不醒驅車度重闌望屋識舊徑十年缺重來枯櫟驚半剩問君居幾時檐斷改題稱巷南客緩呼樹下牕稀凭諸公笑引坐醉語錯相應華鐙冷淡光斑鬢飛騰興所婉賢主人沉湎禮夙證能飲者母苛不能飲者聽嗟余又何知起視天清瑩祇恐西風高落葉聲未定

翁學使招同程選部嚴侍讀曹中允吳侍讀家學

士飲卽題其蘇米齋二首

移居請客埽秋階  
日日秋晴晴更佳  
募得粵東蘇米刻  
署爲都下嘯歌齋  
涼風滿路僮擔菊  
細雨明春院種槐  
何似藥洲饒水石  
羅浮天際話憑僂

蘇乃去紹聖元年九月十二日書此刻在韶州英德南山後石壁藥洲米穀元章題此刻石高三尺許今在布政司廳後堂東竹叢中學使舊墓石牆歸今置南壁

遊聖壽寺遇隱者石君汝礪器之語羅浮之勝至

宣南住亦十霜餘  
高樹鄰家半已疎  
江引歸颿頻送客  
燈搖醉纈尙畱余  
盛年不朽元難量  
健筆多師定弗如  
老矣青山東海曲  
抱經悔自別先廬

先人丙舍在永安湖元年丙辰放還曾有激上讀書之圖喻十一年復遊京師迄今二十又六年矣

密雲

廿四年來記秋衣  
出塞還城高鮑邱  
水風急白檀山抗  
策心猶壯簪毫鬢  
已斑朝曦迂回

蹕悅豫仰

天顏

觀元蘇弘道書延祐甲寅科江西鄉試石鼓賦李丙奎徐汝士王與玉陳祖義李路羅曾吳舜凱及弘道八篇墨蹟卷

元之取士首楊英

一作英

厥後議制鶚與衡進士科設遲又久

仁宗二年乃詔行世祖乙酉幸上京太史告瑞文昌明仁宗誕降實翌日是夜張起巖亦生延祐乙卯廷試始起巖左榜第一聲甲寅鄉試當先行江西所舉斯其名蒙古色目漢南人各七十五三百并南人江西舉廿二如八人者其翹英一場題出四書始所在義惟朱氏程江西試官二員選吳澄楊

剛中石鼓徙太學頒題以此宜鏗鐫殷盤直溯九字銘德文兼有

碩望諸吹笙二場試賦漢南人八月廿三鐘三鳴初元

長崢嶸

李商隱句云大學九字鑒於殷鑒之銘徐汝士末句云惟有德而有文兮其照耀於無期

內治外治修攘興王

綱王道法天貞

王與王云外有武備之立內則政事之修陳祖義云慨王道之日晦遂致王綱之日墜

時哉一統人

物俱宇文何知雅什

李路云追乎我朝平一四海天下之士爭走集乎京師於是至者莫不即焉以摩挲而枚數幸人與物俱值乎

斯時羅曾有序云乃以為宇文周所作者蓋未有考也

數存失得繫愛惜鐫刻萬古功垂旌

凱云是雖數存其間分失者復得亦必好事之君子為之愛惜蘇引道起云宇宙萬古伊誰無功不鐫不刻易是無窮

蘇君能賦更能書

七人藉傳若加榮試卷最先所僅見出身迴憶難相輕判官

錄事官分轍起巖榜即進士成

李路羅曾乙卯會試皆中選李官新昌判官羅官臨江錄事

江西

選舉志待徵豈徒賦格供詮評

翁學使邀同圖塞里學士羅山人家學士城西訪

菊山人買得杜東原仿荆關山水卷贈學士展觀

乃余舊所藏者不知何時失之蓋更有三卷并失

之矣學士既不欲得此山水索余畫折枝以償而

山人竟以歸余明日學使有詩用蘇集仇池石韻  
家學士繼之余亦和焉

無錢買鞠華佛處看荒綠兩翁各待行

翁學使攜子樹端十二齡樹培九齡家學士攜子東楚七齡

一老先躋足

余齒最長

君子繫客心小人匪我腹奈此突驚呀豈

其紛刺蹙季康嘗患盜距心實求牧肱篋何不悛販肆又相  
瀆未遑疑竊鉄猶及戒懷玉要余荷來歸旁觀成歎服頃步  
一燈償有墅十年卜疎英記動搖小筆能追逐鹿冠畫者山  
蘭坂蹙然谷鶴老云誰思松蒼亦所欲細娛生宿緣佳譚競  
新曲再趁黃埃飛寧愁白日速

題秦郡丞廷莖秋山讀杜圖三首

錢塘從宦早知聞京兆題名始及君大好石頭城裏月桂香

同席看秋雲

乙酉歲爲江南鄉試考官君適內簾監試

讀杜秋山意太愍從軍得得入滇南鎖江橋上嘶班馬却拘

梅花向玉潭

昨見示晚過永昌鎖江橋及龍潭寺梅詩

峽石東西翠靄凝當年豈不辦香曾煩君爲謝山中友排比

鋪陳僕未能

吳樵史題包云排比鋪陳特一塗遣山果契少陵無樵史諱嗣廣君之師而余之故友也其家峽石東山

集曹中允齋分數雜體得江常侍清思

素女且停瑟昭華不吹琯蘭釭屏隱深晶簾樹交散霜下四  
宇淨月高一庭滿意適若無人夜遙未言短

羅山人造程選部門有繫馬蹠傷其右手選部乃

疊前韻以謝山人而屬和之

斜街門繫馬有客蹋鮮綠客非代之斲馬乃白于足未嘗撫  
其尻何至戾其腹主人出且趨攜手額爲蹙主人額無蹙所  
以祭先牧鞭狗教雖壅飯牛心可瀆跳擲若蝦蟆卒必抵吾

玉彌劣而滋善庶免戎莽伏卽安醫不忌相慰畫如卜右手  
則緩招良馬則仍逐庭柯老無陰吟楊寒在谷詎知和者難  
翻得主人欲我言亦雷同我思亦槃曲畫誠由好手无妄是  
奚速

集程選部齋檢南宋人集分題之載題香溪集

我所思香溪竹樹清且深清深范氏廬父祖踵華簪先生豈  
不仕當國非外陰素絲雖彼姝空谷猶爾音暮春嘗病起花  
暖溪煙沈飛蟲撲牕紙危坐方自吟經經亦緯史稽古實居  
今指陳及異勢辯博申微忱斯文宋南後浙水諸賢任我所  
思香溪不獨如心箴

王進士嵩高屬題其曾祖樓村修撰十三本梅花  
書屋圖五首



秋夜夢作看梅人七年倩圖已壬辰後壬辰怡賢孫值猶見先生夢裏身

圖成初白卽題句詘指我時纔五齡六十年來春可念東南名第幾先型

如我座師陳相國霜鬢鶴髮寸心丹乞身

詔許身加病不及梅花故里看

查初白先生陳文勤公皆登先生榜

會稽萬玉圖嘗得遂自軒題萬玉省夢固欣然醒亦可沉論少萼與多枝

家梅野梅好在無廿年人隔錢唐湖今朝那不檐閒數

上聲

東十一株西二株

觀宋徽宗題南唐王齊翰勘書圖

絹前勘書圖三字絹尾王齊翰妙筆五字

而兩蘇及王晉卿跋皆失去

北壁高張畫屏曲上有王維山水綠閒中注意每若斯縮木  
迢迢看不足屏前堆牀卷軸委左几攤書坐者倚右手挑耳  
睂眼欣全身衣紋吳道子晉卿不惜將軍廚持贈定國聊與  
娛東坡先生適然值題作南唐剔耳圖何年瘦金書更適古  
賢圖外此尙畱王濟倫古賢圖亦徽宗題李家待詔北來久行見趙家花石  
秋一僮短纔過屏脚熨指茶盃乃有託祇憐已逼楊子華不  
在猶鈴睿思閣

泰忠介公篆書陋室銘墨蹟卷

款云至正六年正月二十八日白野報善書

公先白野山後則僑台州家貧可有屋實依待制周十七首  
鄉薦右榜復狀頭元年除紹興召入三史修此銘六年書時  
在大都否窻前竹根瘦門外梅餘適問山山下近尋水水邊  
幽是惟公陋居頗見成越謳四方蝗且疫老健得無愁公送友還家詩

云君向台州去煩君過我庶可于山下問只在水邊居門外梅應老意前  
竹已疎奇聲諸弟姪老健莫戀子計其時草滋未起而公有言外之憂  
八年國珍

起遂赴浙東籌宛轉及幾年書生事戈矛誠慮負所學有死  
身不謀一片受降旗鼓絕于海舟嗚呼科舉興如公光斗牛  
亦有余忠宣大節風颼颼兩公皆善篆其蹟悲尚留淮南山  
竝青浙東水其流

賜詹事府

欽定重刻淳化閣法帖恭紀

請

恩修解乍經年欣奉

綸音寶刻傳起例春秋關至教訂訛甲乙備真詮蛟螭伏

匣雲光靜松柏交檐露色鮮鴻筆諸賢暨多士不惟心畫要

精研

同日賜翰林院教習庶常館國子監及順天府金臺書院各一部

登陶然亭後閣看雪同翁學使方細曹少卿學閔

陸秋曹錫熊家學士大昕

冬至將臨已覺春小軒獨處本無塵偶然木屐尋詩地俱是  
金門賀雪人日照中天三殿迴雲開西閣萬峯新市煙靑斷  
還相指今夜何妨酒百巡

雪止集姚秋曹翁寓堂分賦得畫雪

大抵只當前蕭然亦惘然水痕肥欲減墨氣靜能連豈謂皴  
多法元來粉半填故園吾已寫壓到竹梅偏

琉璃廠肆見小方玉印一刻鞏固私印四字橋紐  
葫蘆樣玉印一刻帝甥二字虎紐明鞏都尉物也  
輒爲詠之

烏駁馬入承天門煤山山亭忽復云鞏府焚先劉府焚乃獨

未燬玉篆文帝姬去年悲已薨家無藏甲猶守城匱旁黃繩  
子女繫母汙賊手此帝甥兩字豈知早刻印甥兮甥兮國俱  
殉藩封恨不二王曾巷戰嗟難二卿僅鞏固實惟鞏永固省  
文繆篆美無度人之不亡帝左右玉之不變神呵護一雙中  
有暗淚流華池豐屋春暫留主印樂安應竝匣幾時南去在  
揚州

樂安公主小玉印在揚州錢唐馬翽翽作歌

觀趙文敏公所書道德經墨蹟冊

八十一章九九重管公樓紙格猶紅唐家始祖傳元牝趙氏  
諸孫奪化工河曲茅菴應盡黜風檣陣馬更誰同直須上借  
猶龍喻橋近甘棠謁再通

自跋云註釋愈多而愈失孟頫深見其謬妄志與去之重為繕寫風檣陣馬柯九思跋語

任明府震遠餉陽羨茶賦謝

微霰淅淅矮屋方炯炯一箋奉清句雙餅致春茗舊家鬆

畫陰門對鍾山頂探惟真笋上品與襄州等竈冷火如星葉  
乾爐若鼎自將雪水煎甘露超超竝江岸此時花老梅非不  
肯急報明府知我身已乘艇

